

- 1' Zûr rechten handt fyndt man die kron
- 2' Zûr lyncken handt / die kappen ston
- 3' Den selben weg / all narren gon
- 4' Vnd fynden entlich bößen lon



### Von lon der wisheyt.

- 1 Noch grosser kunst steltt mancher thor
- 2 Wie er bald werd meyster / doctor /
- 3 Vnd man jnn halt / der welt eyn liecht
- 4 Der kan doch das betrachten nicht

t ij

5 Wie er die rechte kunst erler  
 6 Mit der er zů dem hymel ker  
 7 Vnd das all wißheyt diser welt  
 8 Jst gegen gott eyn dorheyt *gzelt*  
 9 Vil meynen syn vff rechtem weg  
 10 Die doch verjrrren an dem ståg  
 11 Der zů dem woren leben fůrt  
 12 Woll dem / der vff dem weg nit jrirt  
 13 Wann er jnn schon ergriffen hat  
 14 Dann offft der neben weg ab gat  
 15 Das eyner bald kumbt ab der stroß  
 16 Es sy dann / das jnn gott nit loß  
 17 Hercules jn syner jugent gdacht  
 18 Wes wegs er doch wolt haben acht  
 19 Ob er der wollust noch wolt gan  
 20 Oder alleyn noch tugend stan /  
 21 Jn dem gedånck / kumen zů jm  
 22 Zwo frowen / die er bald on stym  
 23 Erkant / an jrem leben wol /  
 24 Die eyn / was aller wollust vol  
 25 Vnd hübsch geziert / mit reden süß  
 26 Groß lust vnd *freüid* sie jm verhieß  
 27 Der end doch wer der dot mit we  
 28 Dar noch keyn freüid / noch wollust me  
 29 Die ander sach bleich / sur / vnd hert  
 30 Vnd hatt on freüid eyn ernstlich gfert  
 31 Die sprach / keyn wollust ich verheiß  
 32 Keyn rūw / dann arbeit jn dim schweiß  
 33 Von tugent zů der tugent gon  
 34 Dar vmb würt dir dann ewig lon

---

8 *gzelt* ] *gelt* *GW5046 GW5047* 23 *leben* *GW5046 GW5047* ] *wefen* *GW5041* 26 *freüid* ]  
*frend* *GW5046*

35 Der selben ging do Hercules noch  
 36 Wollust / rûw / freüid er all zyt floch /  
 37 Wolt gott / als wir begeren all  
 38 Leben noch unserm wol gefall  
 39 Das wir begerten ouch des glich  
 40 Zû han / eyn leben dugentrich /  
 41 Worlich / wir flûhen manchen ståg  
 42 Der vnß fûrt vff den narren weg /  
 43 Die wile aber / wir all nitt wend  
 44 Gedencken wo eyn yeder lend  
 45 Vnd leben blyntzend jn der nacht  
 46 Hant wir keyns rechten wegeß acht  
 47 Das wir gar offft selbs wissen nitt  
 48 Wo vnß hyen füren vnser dritt  
 49 Dar vß entspring / das vnß all tag  
 50 Berüwen all vnser anschlag  
 51 So wirs erfolgen nit on we  
 52 Begeren wir nit mynders me /  
 53 Das kumbt alleyn dar vß / das wir  
 54 All hant eyn angeborne bgir  
 55 Wie vnß das recht gût hie vff erd  
 56 Bekum on vâl / vnd entlich werd  
 57 Die wile aber das nit mag syn  
 58 Vnd wir jrren jn vinstern schyn  
 59 So hat gott geben vnß das liecht  
 60 Der wißheyt / dar von man gesycht  
 61 Die macht der vinsterniß eyn end  
 62 Wann wir sy nemen recht für hend  
 63 Vnd zeigt vnß bald den vnderscheit  
 64 Der doren weg / von der wißheit /

t3r

t iij

---

39 begerten GW5041 GW5046 ] begeren GW5047

65 Der selben wißheyt stellten noch  
 66 Pythagoras / Plato der hoch  
 67 Socrates vnd all die durch jr ler  
 68 Hant ewig rûm erholt / vnd ere  
 69 Vnd künden doch ergründen nie  
 70 Die rechte wißheyt funden hie  
 71 Dar vmb von jn spricht gott der her  
 72 Jch will verwerffen kunst vnd ler  
 73 Vnd wißheyt der / die wiß sindt  
 74 Leren die selb / die kleynen kyndt /  
 75 Das sint all die so wißheyt handt  
 76 Eruolget dort jm vatter landt /  
 77 Die solche wißheyt hant gelert  
 78 Werden jn ewikeyt geert  
 79 Vnd schynent wie das firmament  
 80 Welch hant gerechtikeyt erkennt  
 81 Vnd dar jnn vnderwissen sich  
 82 Vnd ander me / die lüchten glich  
 83 Als Lucifer von orient  
 84 Vnd Hesperus gen occident /  
 85 Bion der meister spricht / das glich  
 86 Wie zû den megten gselten sich  
 87 Die vmb Penolope lang zyt  
 88 Bûlten / vnd môcht jn werden nit /  
 89 Als dünt die hie nit können gantz  
 90 Bgriffen / der rechten wißheyt glantz  
 91 Die nahend durch vil tugent zier /  
 92 (Die jr megd sint) doch vast zû jr /  
 93 All freüd der welt nymbt trurig end  
 94 Eyn yeder lûg wo er hyn lend

---

73 wiß GW5046 GW5047 ] hie wif GW5041 78 ewikeyt GW5046 GW5047 ] ewigkeyt GW5041